

Pūtaiao Te Kaupae 1

Te Pūrongo Aromatawai ā-Waho 2024



Te Marautanga o Aotearoa	Pūtaiao
Te Rā Aromatawai	30 o Oketopa 2024
Te Momo Aromatawai	He Kete Manarua
Ngā/Te Paerewa Paetae	92071, 92072

Te Wāhanga 1: He Tirohanga Whānui

E mihi ana ki te kounga o ngā mahi ā ngā ākongā. He puna hohonu, ka whakawhānui i ngā kōrero tuku iho ā iwi, ka aro ki ngā kōrero e hāngai ana ki te ākongā me tōna ao ā-whānau, ā-hapū, ā-iwi, ā-hapori hoki. Ka hono hoki ki ngā kōrero tuku iho mō Ranginui rāua ko Papatūānuku me ā rāua tamariki, tae atu ki ō rātou hononga ki te ao tūroa. Ko te kōrero tuku iho mō te ao tūroa ka noho hei tūāpapa mō tā te Māori tirohanga ki te ao tūroa.

Te Wāhanga 2: He kōrero mō te Paerewa

92071: Te torotoro i ngā kōrero tuku iho e pā ana ki tētahi kaupapa taiao ā-iwi.

Te Aromatawai ā-Waho:

I whakatauhia e te Aromatawai ā-waho mā te ākongā anō tana kaupapa e whakatau. He whai whakaaro ki te kaupapa taiao ā-iwi me te torotoro i ngā kōrero tuku iho e hāngai ana. Ka rapua, ka whakaemi, ka whakaatu i ōna akoranga hei taunakitanga mō te Kete Manarua.

Te Tirohanga:

Ka torotoro atu ki ngā kaupapa i whai panga ki te ao o te ākongā, ki tōna iwi, ki tōna taiao ā-iwi. He nui ngā kōrero tuku iho ā-iwi, ara, hei tauira, he whakatauāki, he whakataukī, he pūrākau ā-iwi, he maramataka ā-iwi, aha atu. Kia kua mā te kōrero, mā te whakaaro, mā te mātauranga pūtaiao ā-tauīwi e eke ai te ākongā ki te paerewa paetae nei.

Ko ngā ākongā nānā i tāmiro i āna taunakitanga ki paerewa paetae anō, ka hōhonu rawa te tirohanga whānui i hua mai i tōna kaupapa matua. Ahakoa ngā paerewa paetae e maha, mātua rā nā te kaupapa matua i whakaterea te waka kōrero ki uta.

Pūrongo Paerewa Paetae:

Ko ngā Ākongā i eke ki te **Kairangi** i te paeirewa paetae nei:

- he puna hōhonu te puna kōrero.
- i hāngai pū te kaupapa taiao ki te iwi.
- i nanakia te parahau i te kaupapa taiao **ā-iwi**.

- i matapakihia e te ākonga te taiao ā-iwi
- i whakamahia ngā kōrero nā te iwi anō i whakaputa, nā te iwi anō i whakamana.
- i whaia ngā kupu kōrero i tukuna iho mai e te iwi, e te hapū, e te whānau, e te tupuna/tipuna rānei.
- he taunakitanga rerekē hei kawē i te kōrero. Hei tauira, he whakaahua, he mahere, he taonga, he toi, he hoahoa hei tuku i te kōrero.
- kāore i tukuna mā te whakaputanga pūtaiao ā-tauwiwi hei kawē i te kaupapa.
- mātua rā, **he kōrero tuku iho te tūāpapa** e kōrerohia ai te kaupapa taiao **ā-iwi**.

Ko ngā Ākonga i eke ki te **Kaiaka** i te paerewa paetae nei:

- he puna pāpaku te puna kōrero.
- i whakamārama i te kaupapa taiao ā-iwi me ētahi kōrero e whakamārama ana he aha i taiao **ā-iwi** ai.
- i whakamahia ētahi puna tautoko, puna kōrero rerekē.
- i whakamahia ētahi momo taunakitanga rerekē.

Ko ngā Ākonga i eke ki te **Paetae** i te paerewa paetae nei:

- he waihōpuapua te wai kōrero.
- he kaupapa taiao ā-iwi i tohua.
- he kōrero tuku iho ruarua noaiho i torotorohia.
- he ruarua noaiho ngā momo taunakitanga.

Ko ngā Ākonga **Kāore i whiwhi** i te paerewa paetae nei:

- kua mimiti te wai o te puna kōrero.
- he iti noaiho, kāore rānei he kōrero mō te kaupapa taiao ā-iwi.
- kāore i kitea he aha i taiao **ā-iwi** ai te kaupapa kōrero.
- kāore i whakamahia ngā kōrero tuku iho.
- i whakamahia ngā kōrero mātauranga tauwiwi hei taunakitanga.

92072: Te torotoro i te mātauranga e pā ana ki ngā atua ki tētahi kaupapa.

Te Aromatawai ā-Waho:

I whakatauhia e te Aromatawai ā-waho mā te ākonga anō tana kaupapa e whakatau. He whai whakaaro ki te mātauranga e pā ana ki ngā atua me te kaupapa taiao. Ka rapua, ka whakaemi, ka whakaatu i ana akoranga hei taunakitanga mō te Kete Manarua.

Te Tirohanga:

He puna kōrero te mātauranga e pā ana ki ngā atua e torohaere tonu ana, e rapu haere tonu ana. Ahakoa he iti he pounamu. Kei tēnā, kei tēnā te mahi hei whai i te hōhonutanga me te kura huna kei te mātauranga e pā ana ki ngā atua.

I whai hua te mahi tāmīro ki paerewa paetae anō i te waka kia kotahi te hoe o te whakaaro.

Pūrongo Paerewa Paetae:

Ko ngā Ākonga i eke ki te **Kairangi** i te paerewa paetae nei:

- mātua rā, **he kōrero i ahu mai i te mātauranga atua te tūāpapa.**
- i whakamahia ngā kōrero tuku iho e pā ana ki ngā atua.
- ko te kaupapa taiao i whakamāori ai, i whakamāramahia ai ki tō te whakaaro Māori.

Ko ngā Ākonga i eke ki te **Kaiaka** i te paerewa paetae nei:

- i tohua ētahi kōrero mō tētahi o te whānau a Rangī rāua ko Papa.
- i whakamārama i te kaupapa taiao me ētahi kōrero whakamārama.
- i whakamārama ētahi hononga i waenga i te atua i tohua me te kaupapa taiao.
- i whakamahia ētahi puna kōrero, puna tautoko rerekē.
- i whakamahia ētahi momo taunakitanga rerekē.

Ko ngā Ākonga i eke ki te **Paetae** i te paerewa paetae nei:

- he atua i torotorohia.
- he kaupapa taiao i torotorohia.
- he kohinga pito kōrero mō te atua i torotorohia.
- he ruarua noaiho ngā momo taunakitanga.

Ko ngā Ākonga **Kāore i whiwhi** i te paerewa paetae nei:

- litautohu noa i te ingoa o te atua
- he iti noaiho, kāore rānei he kōrero mō te kaupapa taiao.
- kāore he kōrero tautoko mō te atua
- i whakamahia ngā kōrero mātauranga tauīwi hei taunakitanga.